



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, LĀ 22 PEPELUALI, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā, Luna Ho'omalū	-	Ke'ena Kuleana Ho'okipa o Hawai'i (HTA)
Snowbird Bento	-	Kaiāulu
Māpuana de Silva	-	Kaiāulu
Jarrett Keohokālōle	-	'Aha Kenekoa o Hawai'i
Jamie Lum	-	Ke'ena Ho'omohala Waiwai a me ka Ho'okipa (DBEDT)
Monte McComber	-	Koho 'Ia E Ka Kia 'āina
Makanani Salā	-	Ke Kūlanakauhale a Kalana o Honolulu
Hinaleimoana Wong-Kalu	-	Ke'ena Kuleana Hawai'i (OHA)

Nā Hoa Kipa:

Jacob Aki	-	Luna Ho'oka'a'ike, 'Aha Kenekoa o Hawai'i
Jackie Burke	-	Kaiāulu
Mamiko Carroll	-	Ko Ka Moku'āina Kahua no ka Mo'omeheu a Pāheona (HSFCA)
Maka Casson-Fisher	-	Ke'ena Kuleana Ho'okipa o Hawai'i
Cross Crabbe	-	'Aha Lunamaka'āinana o Hawai'i
Dede Howa	-	Ke'ena Kuleana Ho'okipa o Hawai'i
Lynn Martin Graton	-	Kaiāulu
June Matsumoto	-	Kaiāulu
Malia Sanders	-	'Ahahui Ho'okipa 'Ōiwi Hawai'i

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Timothy Tiu	-	DBEDT
Selma Malcolm	-	DBEDT

Nā Mihi:

Richard Onishi	-	'Aha Lunamaka'āinana o Hawai'i
----------------	---	--------------------------------

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 22 Peleluali, 2021 hola 2:30'aiu ma o ka ZOOM
'Ao'ao 2 o 5

HO'OMAKA

Na Luna Ho'omalū Ka'anā'anā i ho'omaka i ka hālāwai ma ka hola at 2:31 'aui ma o ke aloha 'ana aku i ka po'e ma ka ZOOM a me ka Facebook Live.

Noi 'o Luna Ho'omalū Ka'anā'anā iā Ms. Snowbird Bento e mālama i ka wehena.

'OLELO HŌ'IKE A KA LEHULEHU

Kono akula 'o Luna Ho'omalū Ka'anā'anā i nā hoa o ka lehulehu e ho'opuka mana'o no ko ka papa kumumana'o. 'A'ohe mana'o i ho'opuka 'ia no laila ho'oholomua 'o ia i ka papa hana.

'ĀPONO I KA MO'O'OLELO HĀLĀWAI 8 PEPELUALI, 2021

Ka'aka'ahi 'ia ka mo'olelo hālāwai i nā Lālā Komikina na lākou e nā'ana hou. Noi 'o Mr. McComber lāua 'o Ms. Bento e 'ae 'ia ia mo'olelo hālāwai.

Kūkā 'ia ka heluna 'ao'ao e Ms. de Silva a me ka pono e ho'oponopono 'ia.

Mālama 'ia he koho pāloka ma ke kāhea inoa a 'āpono 'ia ka mo'olelo hālāwai e ka Luna Ho'omalū Ka'anā'anā, Ms. Bento, Ms. de Silva, Mr. Keohokālōle, Ms. Lum, Mr. McCober, Ms. Salā, me Ms. Wong-Kalu me ka mana'o e ho'oponopono 'ia nā heluna 'ao'ao.

Ua lōkahi lākou ma ka 'āpono 'ana i ia mana'o.

HŌ'IKE MO'OKĀLĀ – KA HO'OLAKO I KA HO'OLAULE'A

'A'ohe mea e ho'olaha ai 'oiai 'a'ohe kālā i ho'olilo 'ia mai ka hālāwai aku nei. E hō'ano hou ana 'o Ms. Lum i nā lā'ana a anakuhi paha no ka palapala hō'ike mo'okālā.

HŌ'IKE NO KA 'AHA NO'EAU A MO'OMEHEU PĀKĪPIKA (CPAC)

Mr. McComber reported that there were no additional CPAC updates to report. He mentioned that the period to respond to the RFP related to FestPAC models review has closed and that several submissions were received. Waiting for CPAC to give final endorsement before this information can be shared.

'A'ohe mea hou aku e ho'olaha ai no ka 'Aha No'eau a Mo'omeheu Pākīpika (CPAC) koe na'e kahi ho'omana'o na Mr. McCober no ka pani 'ia o ka wā pane a nā'ana hou 'ana i nā noi kāko'o FestPAC, a ua loa'a 'ē ho'i kekahi mau palapala noi. E kali wale ana i ka ho'olaha kūhelu 'ia o kēia 'ikepili.

Nīnau akula 'o Luna Ho'omalū Ka'anā'anā e pili ana i ka WG a me ka hālāwai o ka Po'akolu. Hō'oia 'o Mr. McComber i ka ho'opā'a 'ia o kekahi mau hālāwai. E ho'opane'e 'ia ana paha ka hālāwai o ka hui 'auamo hana a na Mr. McComber e hō'oia hou me Luna Ho'omalū Ka'anā'anā 'oiai hoihoi 'o ia e komo i ia hālāwai.

'A'ole i kūkā 'ia ka 'Aha 'Ōpio.

PAPAHANA HO'OLAULE'A – NĀ KU'UNA, PAPAMANAWA, A PĒLĀ AKU

Ho'omana'o 'o Luna Ho'omalua Ka'anā'anā i ka po'e no ke ko'oko'i lua 'ole o ka ho'opa'a mua 'ana i ka papahana FestPAC ma mua o ka ho'opa'a 'ana i nā wahi kahi e mālama 'ia ua mau hanana nei no ka ho'olālā kūpono. Noi ka Luna Ho'omalua iā Ms. Bento e hō'oiā i ia mea.

Mihi 'o Ms. Bento no kona hō'ea 'ole 'ana i nā hālāwai Komikina o mua o kēia 'oiā ua pa'a 'o ia ma nā kuleana hana. Ua hō'oiā na'e 'o ia i ka holomua o ka papahana e makemake ana e ho'onohonoho ai, 'o ka mea wale nō e koe nei, 'o ia ho'i nā lāli'i li'ili'i. Eia hou, e pono pū ana e ho'oholo i nā mea kiko'i 'ē a'e e la'a ho'i me nā 'aha, pānela, hālāwai, a me nā hālāwai ho'ona'auao. A i kēia, 'a'ole 'o Ms. Bento i ka'a'ike me ka po'e no lākou ke kuleana o nā wahi i helu papa 'ia no kahi e mālama 'ia ia mau hanana ma ka makahiki 2020. E no'ono'o ana 'o ia i kekahi lā palena pau e pa'a ai ia papa manawa me ka ho'okomo pū 'ana i nā kumuhana i pili i ka loli o ke aniau a me ka ho'ōla hou i pili ho'i i ka Pākīpika. 'O kekahi mana'o hou aku i hāpai 'ia, 'o ia ke 'ano e kūkulu hou ai nā lāhui ma luna o 'ino o ka ma'i laulaha me ka 'ike o ko kākou po'e kūpuna.

Noi 'o Ms. de Silva i kope o ia mau kumuhana o ka papahana i hāpai 'ia ma kona 'ano i palapala 'ia/e palapala 'ia ai. E pane'e ana 'o Ms. Bento i kēia 'ikepili i kahi limahana a nāna nō e ho'ouna aku i nā Lālā Komikina.

HŌ'IKE NO NĀ KAHUA HO'OLAULE'A

Hō'oiā hou 'o Luna Ho'omalua Ka'anā'anā i kona makemake e pa'a pono ka papahana ma mua o ka holomua 'ana i kahi e mālama 'ia nā hanana. Ho'omaopopo 'o ia i ka po'e no kā Mr. Gionson ho'okumu 'ana i anakuhi e hāhai ai no ka 'imi 'ana i ka 'ikepili kūpono no kēlā me kēia wahi kahi e mālama 'ia ai nā hanana, e la'a ho'i me nā hui ho'opalekana, ke 'ano e ne'e ai ke alahale, ka nui o ka honua a hale paha, apwa. Ke pa'a, hiki ke ka'ana 'ia ia anakuhi nei i nā hui 'elele no ka ho'olālā hou aku.

NĀ KĀNĀWAI E 'IMI 'IA ANA

'Oia'i ua piholo ka pila HB 625 ua ho'oholomua 'ia nō ka pila SB 696 SD1 i ka 'Aha'ōlelo. E hāpai 'ia ana ia pila nei i mua o ka ka 'Aha'ōlelo no ka ho'oholo 'ana ma ka lā 23 o Peleluali, 2021 ma ka hola 9:34 kak. Inā 'āpono 'ia ua pila nei e ka 'Aha'ōlelo, e o'ana ke Komikina a i 'Aukake 2025 me ka ho'oku'uku'u 'ana i ka Mokuna 92. Ua kūkā 'ia nā mea e ho'oponopono ai e ka OIP a ua waiho 'ia nā mana'o kōkua me ke Komikina.

Ua paipai ka OIP e mālama 'ia he 'eiwa mahina ma mua a ho'okahi mahina ma hope o ka Ho'olaule'a no ke Komikina e kālele ma nā hana kūwaho o Mokuna 92.

Wehe 'o Luna Ho'omalua Ka'anā'anā i ka papahale no nā Komikina e hāpai i nā nīnau a mana'o hou aku paha a nīnau akula 'o Ms. de Silva i ke kumu i piholo ai ka Pila o ka Hale. Wehewehe a'ela 'o Luna Ho'omalua i ka pō'aiapili o ka waiho 'ia o ia pila nei i mua o 'ekolu hui 'āpono a me ka lawa 'ole o ka manawa e 'āpono 'ia e nā hui a pau. Nīnau hou akula 'o Ms. de Silva e pili ana i ka hua o ka SB 696 SD1 a ua hō'ike ka Luna Ho'omalua no kona mana'olana.

Nīnau a'ela 'o Ms. Wong-Kalu i ka hopena o ka piholo 'ana o ka Pila 'Aha Kenekoa a paipai a'ela 'o Luna Ho'omalua Ka'anā'anā i nā Lālā Komikina e kele aku iā capitol.hawaii.gov no ka hāhai ana i ua pila nei.

HO'OHĀLĀWAI NO KA' AHA KŪKĀ O 8 MALAKI, 2021

Ho'opa'a 'o Luna Ho'omalū Ka'anā'anā i nā hālāwai Komikina kūmau no kēlā me kēia hapahā e ho'omaka ana ma Malaki 22, 2021 ma kahi o ka mea i ho'opa'a mua 'ia ma Malaki 8, 2021. Ma waho o ua mau hālāwai hapahā kūmau, e mālama pū 'ia he hālāwai kūmakahiki no ko ke Komikina ho'olālā 'ana i nā lāli'i i pono ko nā Lālā kālele nui.

Noi 'o Luna Ho'omalū i nā Lālā Komikina e hāpai mana'o no nā kumuhana kiko'i e kūkā 'ia ma nā hālāwai hapahā.

Hāpai a'ela 'o Mr. McComber i ka waiwai o nā kumuhana 'o ka ho'oulu kālā, nā kumuhana o ke au, nā pahuhopu, ka mo'ohelu kālā – keu ho'i ka 'āpana kākō'o kālā pilikino, apwa, a me ke ko'iko'i o ke kūkulu 'ana i pilina me ke Kulanui o Hawai'i a e 'imi i nā 'ano i hiki ai iā lākou ke kōkua a kākō'o paha.

Ho'omaopopo hou 'o Luna Ho'omalū no ka pono e pa'a mua ka papahana ma mua o ka lu'u 'ana i ka mo'ohelu kālā. Eia na'e, kūpono ka ho'okahua 'ana i ka nui kālā a ke Komikina e 'imi ai no ka Ho'olaule'a holo'oko'a – inā he \$6 miliona a i 'ole paha, he \$10 miliona, a inā he pono ko lākou 'imi hou 'ana i ke kōkua a kākō'o ma ka 'Aha'ōlelo.

'Aelike 'o Ms. Bento me ka mana'o e ho'okele ana nō ka papahana i ka mo'ohelu kālā. Ua hāpai pū 'o ia i ka mana'o no ka loli 'ana paha o ka mana'o e ho'ohana i kekahi o nā wahi i no'ono'o mua 'ia no ka mālama 'ana i nā hanana ma ka makahiki 2020 a nīnau akula 'o ia inā ua loa'a anei kekahi 'ano wānana no ka heluna kālā mai ka mea i 'ike mua 'ia no nā ho'olaule'a 'ē a'e e kū ma ke 'ano he pahuhopu no ke Komikina e kālele ai no ia Ho'olaule'a nei?

Ho'opāpā 'o Luna Ho'omalū Ka'anā'anā i ia mana'o 'oia i loli mau ana ka nui o ka ho'olilo kālā no kēlā me kēia ho'olaule'a no ka mea aia i kahi i mālama 'ia, apwa. 'O kahi mea kūikawā no Hawai'i kekahi, 'o ia ho'i ka makemake e kākō'o i ka ho'okipa pau loa 'ana i nā 'elele. 'O ka ma'amau, he mea ia na kēlā me kēia 'elele e mālama ma mua.

Hāpai a'ela 'o Ms. de Silva i ka mana'o e mālama 'ia kekahi wā ma ka hālāwai o ka lā 22 o Malaki e nānā a wae paha i nā wahi i hiki ke mālama 'ia nā hanana. A nīnau akula 'o ia inā na ko Ms. Bento hui a i 'ole paha na nā Lālā Komikina e koho i ia mau wahi nei. Hō'oia 'o Luna Ho'omalū i nā kuleana, 'o ia ho'i, na ka hui e hāpai mana'o a na ke Komikina e ho'oholo ma o ke koho pāloka. Nīnau hou 'o Ms. de Silva e ho'omōakāka 'ia ka hua o ke anakuni a Mr. Gionson e ho'okumu ai – inā e piha ana i ka 'ikepili a i 'ole inā e waiho hakahaka 'ia ana, a laila inā e ho'ouna 'ia ana nō i kā Ms. Bento hui?

Hō'oia 'o Luna Ho'omalū Ka'anā'anā i ka ho'okuleana 'ia o kekahi mau Lālā Komikina e ka'a launa me nā 'elele o kēlā me kēia wahi i noi'i 'ia e like me ka mea e waho ana ma ke Kuleana Ha'imaulia. 'O kā Mr. Gionson anakuhi, he mea ia e alaka'i ana iā kākou ma ka 'ohi a ka'ana 'ana aku i ka 'ikepili i launa ma o ka holo 'ana o ka manawa.

'O kekahi nīnau i hāpai 'ia na Ms. Salā 'o ia ho'i inā e koho ana ke Komikina i nā wahi o ka Ho'olaule'a mai ka mea i helu papa mua 'ia no ka makahiki 2020. Ua nīnau pū 'o ia inā ua

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahī, 22 Peleluali, 2021 hola 2:30'aiu ma o ka ZOOM
'Ao'ao 5 o 5

kūpono ko ke Komikina kūkulu 'ana i ka pilina me ke Kulanui o Hawai'i i hiki ke 'ike mua i ke 'ano i hiki ai iā lākou ke kōkua a kāko'o paha.

Hō'ōia 'o Luna Ho'omalū Ka'anā'anā i ka pa'a pono 'ia o ka Hale 'Aha 'o Hawai'i 'oiai aia ma ka palapala 'aelike; eia na'e, no nā wahi 'ē a'e, hiki i ke Komikina ke 'imi loa i nā koho.

Noi 'o Luna Ho'omalū Ka'anā'anā iā Ms. Sanders e ho'omaopopo iā Mr. Gionson e ka'ana aku i ka papa helu o nā wahi i koho mua 'ia no kēlā makahiki aku nei me nā Lālā Komike. Ma waho o ka Hale 'Aha 'o Hawai'i a me ka Hale Noho ma ke Kulanui o Hawai'i, hiki nō ke 'imi 'ia nā wahi 'ē a'e. 'A'ole pono ke Komikina e koho mai ka papa helu i ho'opa'a mua 'ia. Eia na'e, pono e launa ka wahi i ka pono o ka Ho'olaule'a a me kona 'ano palekana a ho'ōla hou.

Ua hiki nō ke kūkā 'ia ka papa helu i ho'opa'a mua 'ia no nā wahi kahi e mālama 'ia nā hanana, ka pahuhopu no ka heluna kālā e ho'oulu ai, a me ka Luna Ho'ohanohano o ka Ho'olaule'a ma ka hālāwai hapahā o ka lā 22 o Malaki, 2021, i ko Luna Ho'omalū Ka'anā'anā mana'o. E mālama 'ia ana ua hālāwai nei mai ka hola 2:30 a i ka 5:00 ahi.

Hāpai 'o Ms. de Silva i ka mana'o e kālele mua 'ia ka ho'oholo 'ana i nā wahi kahi e mālama 'ia nā hanana ma ka hālāwai hapahā o Malaki 22. Inā 'a'ole kō nā pahuhopu 'ē a'e i ke kūkā 'ia, ua hiki nō ke ho'opane'e i ia mau kumuhana i ka hālāwai kūmakahiki ma ka lā 17 o Mei. Ua hiki pū ke no'ono'o i ke kono 'ana i nā pakanā a me nā kākaka e hiki ana ke kāko'o, apwa.

Hō'ulu'ulu a'ela 'o Luna Ho'omalū Ka'anā'anā i ka papa manawa no ka hālāwai o ka lā 22 o Malaki, 2021 me ka helu papa 'ana aku i nā wahi kahi e mālama 'ia nā hanana, nā mo'ohelu a ho'oulu kālā, a me ka Luna Ho'ohanohano o ka Ho'olaule'a.

'ŌLELO HŌ'IKE A KA LEHULEHU

Kono akula 'o Luna Ho'omalū Ka'anā'anā i nā hoa o ka lehulehu e ho'opuka mana'o no ko ka papa kumumana'o. 'A'ohe mana'o i ho'opuka mai, ho'omau 'o ia i ia mau mea.


KA HO'OPA'A HĀLĀWAI – PŌ'AKAHI, 8 MALAKI, 2021

Hō'ōia 'o Luna Ho'omalū Ka'anā'anā i ka mālama 'ia o kahi hālāwai ma Malaki 8, 2022 e like me ka mea i ho'opa'a mua 'ia a laila kekahi aku, ka hālāwai hapahā ho'i, ma ka lā 22 o Malaki, 2021 mai ka 2:30 – 5 ahi.

HO'OKU'U

Ho'oku'u 'o Luna Ho'omalū Kā'anā'anā i ka hālāwai ma ka hola 3:02'aiu.

Me ke aloha e waiho 'ia nei,



Kalani Ka'anā'anā
Luna Ho'omalū

03/05/2021

Lā